

UMS anjur Seminar Antarabangsa Kejuruteraan Bioproses 26-29 Jan ini

NST 16.1.2016 2

KOTA KINABALU: Fakulti Kejuruteraan (FKJ) Universiti Malaysia Sabah (UMS) dengan kerjasama UMS Investment Holdings Sdn. Bhd. akan menganjurkan Seminar Antarabangsa Kejuruteraan Bioproses (BPE) pada 26-29 Januari ini.

Seminar itu antara lain bertujuan mengetengahkan konsep asas teknologi bioproses yang boleh diaplikasi, kajian kes dan kajian penyelesaian masalah.

Dalam masa yang sama, ia juga bagi meningkatkan dan mengukuhkan kemahiran peserta dalam bidang kejuruteraan bioproses selain memberikan peserta dengan maklumat terkini tentang perkembangan bidang bioproses dan bidang lain yang berkaitan.

Seminar yang akan di adakan di Hotel The Klagan, 1Borneo, Kota Kinabalu, menyasarkan penyertaan daripada kalangan para saintis dan jurutera yang bekerja dalam bidang ke-

juruteraan biokimia atau bidang-bidang yang berkaitan.

Ahli teknologi bioproses, ahli akademik, usahawan, penyelidik dan pembuat dasar serta mereka yang ingin meningkatkan kemahiran dalam bidang kejuruteraan bioproses turut dialu-alukan untuk mengambil bahagian.

Mereka yang berminat boleh menghubungi talian 088-448 341 atau melalui emel shereen@bpe2016.org sebelum atau pada 20

Januari ini.

Majlis perasmian seminar itu dijangka akan disempurnakan oleh Menteri Sains, Teknologi dan Inovasi (MOSTI), Datuk Seri Panglima Wilfred Madius Tangau. Dijangka Dijadual hadir sama, Naib Canselor UMS, Profesor Datuk Dr Mohd. Harun Abdullah.

-OLEH MARRYAN RAZAN (marryan@newsabahtimes.com.my)